



# ასპინძის სახელობა

ასპინძის მუნიციპალიტეტი \* ივნისი. 2017 \* (4)31

უჩვეულოდ მზიანი დღე გათენდა 26 მაისს. ხანგრძლივი უამინდობის მიუხედავად, სწორედ ამ დღეს, დილიდანვე, გამოიძარა და, მართლაც, საზეიმო განწყობა შეიქმნა. საქართველოს დამოუკიდებლობის დღის საზეიმოდ აღნიშვნისათვის დაბის მოსახლეობის დიდმა ნაწილმა თავი მოიყარა კულტურისა და დასვენების პარკში. ვის არ ნახავდით აქ – მოხუცსა თუ ახალგაზრდას, ქართულ ეროვნულ ფორმაში გამოწყობილ გოგონებსა თუ ვაჟებს.

ლონისძის დაწყების წინ საქართველოს ერთიანობისათვის ბრძოლაში დაღუპული გმირების სულების მოსახსენიებელი პარაკლისი გადაიხადა მამა ზაქარიაშვილმა. ადგილობრივი თვითმმართველობის წარმომადგენლებმა და მონაწილეებმა ცოცხალი ყვავილებით შეამკეს გმირთა მემორიალი და პატივი მიუგეს მათ ნათელ სსოვნას.

საზეიმო ღონისძიება გახსნა ახალგაზრდა დეკლამატორმა, ასპინძის საჯარო სკოლის მოსწავლემ მარი ბერიძემ, ხოლო მუნიციპალიტეტის გამგებელმა ლევან ცაბაძემ მზურვალედ მიულოცა დამოუკიდებლობის დღე მონაწილე სტუმრებს და მანვე



## 26 მაისი საზეიმოდ აღინიშნა

სიგელებითა და მედლებით, მუნიციპალიტეტის სახელით, საზეიმოდ დააჯილდოვა სოფელ ოშორისა და ანყვიტის საჯარო სკოლების ფრენბურთელთა და ჩოგბურთელ მოსწავლე გოგონათა გუნდები, რომლებმაც რეგიონულ ჩემპიონატში გაიმარჯვეს და რესპუბლიკურ ჩემპიონატში მონაწილეობის უფლება მოიპოვეს.

შემდეგ სცენაზე მიწვეული იქნა ადგილობრივი შემოქმედებითი ჯგუფები – ვალერიან მალარაძის სახელობის სამუსიკო სკოლის მოსწავლეები; ქორეოგრაფიული ანსამბლი „სამცხე“ (ხელმძღვანელი – ჯაბა ასპანიძე) და ფოლკლორული ანსამბლი „წუნდა“ (ხელმძღვანელი – გია ტიფაძე), რომლებმაც მალარაძის დონეზე შესარულეს თეატრალიზებული თითოეული ქორეოგრაფიული თუ მუსიკალური ნომერი; ასევე ასპინძის საჯარო სკოლის ნორჩი და დეკლამატორებმა – მთვარისა ხმალიძემ, მარი ბერიძემ, მარი კაპანაძემ და ძმებმა ნიკოლოზ და ალექსანდრე დიაკონიძეებმა შესანიშნავად შესარულეს ქართული პოეტების მიერ სამშობლოს თემატიკაზე შექმნილი ლექსები.

სიტყვაში გამოვიდა ასევე ვაჟთა „ლიტერატურული მესხეთის“ რედაქტორი ავთანდილ ბერიძე, რომელმაც დასწრე საზოგადოებას მიულოცა დამოუკიდებლობის დღე და სცენა-

ზე მოიხმო საზეიმო ღონისძიებაზე სპეციალურად ჩამოსული ახალგაზრდა მწერალი და პოეტი, რამდენიმე სქელტანიანი წიგნის ავტორი იროდი ასანაშვილი, რომელიც ამჟამად მესხეთზე სპეციალურ პოეტურ ციკლს ამზადებს. მან გულითადად მიულოცა ასპინძელებსა და სრულიად საქართველოს უდიდესი ეროვნული დღესასწაული – დამოუკიდებლობის დღე; ამავე დროს ახალგაზრდა შემოქმედს ქართული ლიტერატურის განვითარების საქმეში შეტანილი დიდი წვლილისათვის გადაეცა საქართველოს მწერალთა კავშირის სამცხე-ჯავახეთის რეგიონული ორგანიზაციის სერტიფიკატი.

საზეიმო ღონისძიებამ, რომელიც შესანიშნავად იყო ორგანიზებული მუნიციპალიტეტის გამგეობის კულტურის სამსახურის (უფროსი მაცა ბერიძე, რეჟისორი მარეხ დათაშვილი), გვიანობამდე გასტანა და განუსაზღვრელად დიდი შთაბეჭდილება მოახდინა დამსწრე საზოგადოებაზე.

მარეხ დათაშვილი, ასპინძის თავისუფალი თეატრის რეჟისორი



## კონსტიტუციის ახალი რედაქცია ასპინძელების შეფასებით

როგორც ვიცით, საქართველოს კონსტიტუციაში შესატან ცვლილებებთან დაკავშირებით მწვავე დისკუსია მიმდინარეობს. არ დარჩენილა არც ერთი მხარე, სადაც მის განხილვაში, მოსახლეობის ფართო მასშტაბზე არ მიიღო მონაწილეობა, თუმცა, მოსახლეობის დიდ ნაწილს ჯერ კიდევ ბევრი აქვს სათქმელი ამასთან დაკავშირებით. ამიტომ გადავწყვიტეთ, ჩვენი გაზრდის დღეებში წარმოვიდგინოთ მათგანისთვის მიგვეცა საშუალება გამოეხატა თავისი მოსაზრებები:

**კითხვა პირველი:** საქართველოს პრეზიდენტი საყოველთაო, პირდაპირი კენჭისყრით უნდა აირჩეს თუ პარლამენტის მიერ – ე.წ. ხმოსნების მიერ?

**კითხვა მეორე:** კონსტიტუციით უნდა აკრძალოს თუ არა უცხო ქვეყნის მოქალაქეებზე სასოფლო-სამეურნეო მიწების მიყიდვა?

**კითხვა მესამე:** კონსტიტუციაში უნდა ჩაიწეროს თუ არა – ოჯახი არის ქალისა და მამაკაცის ერთობა?


**გმირი ზედგინიძე, შპს „ძველის“ იურისტი**

– მინები არ უნდა იყიდებოდეს უცხო ქვეყნის მოქალაქეებზე. კონსტიტუცია კი ამის გარანტი უნდა იყოს. მე, როგორც ვიცი, მსოფლიოს უმრავლეს ქვეყანაში, აკრძალულია მიწის უცხოელებზე გაყიდვა, მინიმალურად მსურველებს კი გარკვეულ პირობებს უყენებენ, – მათ მხოლოდ მიწის დროებითი გამოყენების უფლება აქვთ. თუ ვინმე ინვესტორი შემოვა და რაღაცის გაკეთებას მოისურვებს, როგორც უცხოეთშია, აქაც, შეიძლება დროებით სარგებლობაში გადაეცეს მიწა, ისიც, – იჯარით. მეც, როგორც საქართველოს ერთ-ერთი რიგითი მოქალაქე, კატეგორიული წინააღმდეგე ვარ მიწების მათზე გახსენებისა. საქართველო ისედაც მცირე მიწიანი ქვეყანაა – ჯერ რაც გაგვაჩნია, დიდი ნაწილი მთავრობის, კლდეზანი ადგილებს, ნაწილი – ხეობებს უკავია, ნაწილი – გამოუსადეგარია. თუ კარგად დაგაკვირდებით, უცხოელები მხოლოდ ნაყოფიერი მიწებით არიან დაინტერესებულნი და ისიც თუ გაყვიდით, რაღაც დაგვრჩება? გვიფიქრია კი ამაზე? ესეც არ იყოს, ამით კატასტროფულად შეიცვლება საქართველოს დემოგრაფიული მდგომარეობა და მერე რა პასუხს გავცემთ ჩვენს მომავალ თაობებს?

– ერთსქესიანთა ქორწინების დაკანონების კატეგორიული წინააღმდეგე ვარ. ეს, თუნდაც ეკლესიურად, ეწინააღმდეგება ჩვენს ადათ-წესებს. არასოდეს გამიხარდება, რომ ჩემმა შვილმა „რიტად“ მომიყვანოს „ვაჟი“, ან იგი სხვის ოჯახში შევიდეს „რიტად“. მართლაც არ არის მთავარი, – უბედურება ისაა, რომ როდესაც ორი მამაკაცი დაქორწინდება და შვილად აიყვანენ ბავშვს, ისიც არასრულწლოვან ადამიანად ჩამოყალიბდება. მე მართლაც საქართველოში კი არა, წინააღმდეგე ვარ მთელ მსოფლიოში ასეთი ქორწინების დაკანონების, ეს ყოველად მიუღებელია, ყოველგვარ ზნეობრივ ზღვარს სცილდება! მე ასე მესმის და ჩემი პოზიცია არასოდეს არ შეიცვლება. უბედურებაა, რო-

დესაც უმრავლესობას უმცირესობის ინტერესების გათვალისწინებას აიძულებენ, ამიტომაცაა საზოგადოება კატეგორიული და მეტ სიფხიზეს იჩენს, – კონსტიტუციური გარანტია მიიღონ ერთსქესიანთა ქორწინების აკრძალვაზე. მეც იმ აზრზე ვარ, რომ – ოჯახი არის ქალისა და მამაკაცის ერთობა.

– ჩემი აზრით, არსებითი მნიშვნელობა არა აქვს თუ პარლამენტი აირჩევს პრეზიდენტს. პარლამენტარები ხომ ჩვენი არჩეულები არიან, მე თუ ვინმე პარლამენტარს და ხმა მივცე, რომ იყოს ჩემი დეპუტატი, იმის უფლებაც უნდა მივცეთ, რომ პარლამენტმა აირჩიოს პრეზიდენტი. ჩვენ თუ გვინდა, რომ საპარლამენტო რესპუბლიკა ვიყო, ეს მოდელი სრულიად მისაღებია. განა წინა ხელისუფლების დროს არ გადაწყდა, – პრეზიდენტს ფუნქციები რომ შეზღუდვოდა? ახლა რა



საჭიროა ამაზე დავა? ისედაც დაიღალა ხალხი ყოველწლიურად ჩატარებული არჩევნებით. ამ პატარა საქართველოს ნუთუ სჭირდება ორი მთავრობა, – ამ შემთხვევაში – ხელისუფლების ორი ინსტიტუტი (პრემიერის და პრეზიდენტის)?! სამ მილიონიან ქვეყანაში ორხელისუფლებიანობა არ გვჭირდება. ასევე ბევრია სამინისტროებიც – თუ სწორად მახსოვს, თერაპიული სამინისტროსა და პარლამენტს. უცხოეთის განვითარებულ ქვეყნებშიც კი სამინისტროთა რაოდენობა ათ ერთეულსაც არ აღემატება. ახლა ავიღოთ უწყებრივი დაწესებულებებიც... ესენიც გადაჭარბებულია! ეს ყველაფერი მშრომელი ადამიანის ჯიბეს აწვება. ამიტომაცაა და რა გამოდის? პატარა საქართველო მაკონტროლებელი ორგანოების მარნუხებიდან ვერ გამოდის და, ალბათ, თუ ასე გაგრძელდება, ვერც ვერაფერს გავაკეთებთ და საქმეც ვერაფერს წავა წინ. განა პარადოქსების ქვეყანა არა ვართ? – ისედაც გადატაკებული ქვეყანის პრეზიდენტს სუპერსახელმწიფოს შესადარი უზარმაზარი აპარტიდები რომ აქვს (მისი მშენებლობა ხომ იმდენივე დაჯდა, რამდენიც ნატოს ახალი შტაბბინა). რამი სჭირდება ქვეყანას პარლამენტის ორი

შენობა სხვადასხვა ქალაქებში, კატასტროფულად გაზრდილი მათი კომუნალური, სატრანსპორტო, სამივილინო თუ სხვა ხარჯები. ან ამდენი დეპუტატი გვჭირდება?

**დიმიტრი მალარაძე, პენსიონერი, განათლების განყოფილების ყოფილი გამგე**

– კონსტიტუციით მიწის უცხოელებზე გაყიდვის აკრძალვა არ მიმართა მიზანშეწონილად. სხვა სადირექტივო კანონებით შეიძლება მისი დარეგულირება, ეს გამოიწვევს კონსტიტუციის ზედმეტად დატვირთვას.

– პრეზიდენტი უმჯობესია, საქართველოს პირობებში, ხალხმა აირჩიოს. ჩვენ არა ვართ განვითარებული ქვეყანა, რომ პარლამენტის, პრემიერის საპირსონე გამანოვანსებელი ბერკეტები გავაჩინდეს, ამიტომ პრეზიდენტი უნდა აირჩეს პირდაპირი წესით. ხალხის მიერ არჩეულს კი მეტი გავლენა და პასუხისმგებლობა ექნება.

– ერთსქესიანთა ქორწინების კონსტიტუციით აკრძალვა ასევე არ ჯდება ქართულ მენტალიტეტში, ეს საკითხიც ისე უნდა განისაზღვროს, რომ მისი კონსტიტუციით აკრძალვა არ დაგვჭირდეს.

**გოდერძი ველიჯანაშვილი, სპორტის ოსტატი, მწვრთნელი, საქართველოს პარლამენტის ყოფილი წევრი**

– თუკი საქართველო საპარლამენტო რესპუბლიკაზე გადადის, სრულიად შესაძლებელია, რომ პარლამენტმა აირჩიოს პრეზიდენტი, თუ ნამდვილად გვინდა საპარლამენტო რესპუბლიკა ვიყოთ, საპარლამენტო ქვეყნებში როგორცაა, პრეზიდენტიც პარლამენტის მიერ უნდა აირჩეს.

– მინები უცხოელებზე არავითარ შემთხვევაში არ უნდა გაიყიდოს, რადგან ამას თუ დაუშვებთ, საქართველო დღეს თუ ხვალ აღარ იქნება. ჩვენ დროს, როდესაც მე პარლამენტარ ვიყავი, მაშინაც შემოვიდა ასეთი საკითხები განსახილველად, განსაკუთრებით, შადმან ვალავი აქტიურობდა; მაშინაც პარლამენტარების აბსოლუტური უმრავლესობა წინააღმდეგე წავიდა. უცხოელებზე მიწების გაყიდვა ასევე არ შეიძლება კიდევ იმიტომ, რომ, ჯერ ერთი, ქვეყანა ჯერ კიდევ გაურკვეველ ვითარებაშია, მოსახლეობის დიდ უმრავლესობა უმძიმეს ეკონომიკურ მდგომარეობაშია, გაჭირვებული ქართველი კი ამის გამო ნებისმიერ დროს, რაღაც ორი კაპიკის გამო, სიამოვნებით გაყიდის თავის მამამარჩენალს – მიწას და სასიცოცხლო არტერიას თავისივე ხელით თვითონვე გადაიჭრის.

– ერთსქესიანთა ქორწინებას რაც შეეხება, მე ვფიქრობ, დასასრული მე-2 გვ.

# რკანი მოვალეობა თანადგომა

ბოლო რამდენიმე წელია მნიშვნელოვანი მუშაობა მიმდინარეობს მოსახლეობისათვის უკეთესი ცხოვრების პირობების შექმნისათვის, თუმცა, გასაკეთებელი იმდენად ბევრია, რომ მის მოვარებას ვერ კიდევ დიდი დრო სჭირდება. გატარებულ გლობალურ ღონისძიებათა შორის აღსანიშნავია მალაღმთიანობის პროგრამის განხორციელება, რამაც მნიშვნელოვანი შედეგები მისცა მოსახლეობას. სახელმწიფოს მიერ განხორციელებული ეს პროგრამა ქვეყნის რეგიონული განვითარების პოლიტიკის ნაწილია, რომელიც მიმართულია საქართველოს მთელი ტერიტორიის თანაბარი სოციალ-ეკონომიკური განვითარების უზრუნველყოფისა და მალაღმთიან რეგიონებში მცხოვრებთა სოციალ-ეკონომიკური პრობლემების გადაჭრისაკენ. ასპინძის მუნიციპალიტეტში მცხოვრებ მოქალაქეებს, რომლებსაც მინიჭებული აქვთ მალაღმთიან დასახლებაში მუდმივად მცხოვრები პირის სტატუსი, სარგებლობენ განსაზღვრული შედეგებით, რამაც საშუალება მისცა მუნიციპალიტეტში მცხოვრებ თითოეულ მოქალაქეს მიიღოს მეტი სარგებელი, ვიდრე ამას სხვა დასახლებულ პუნქტებში მცხოვრებნი ღებულობენ. უპირველესად აღსანიშნავია, რომ „დემოგრაფიული განვითარების ხელშეწყობის მიზნობრივი სახელმწიფო პროგრამა“, რომელიც ითვალისწინებს ახალდაბადებულ ბავშვთა ფულად დახმარებას, ყოველთვიურად ერთი და ორი წლის განმავლობაში (პირველი, მეორე და ყოველი მომდევნო შვილების გაჩენისას).

მუნიციპალიტეტის გასული წლის ბიუჯეტის მიზნობრივი მოქალაქეთა სოციალური და ფინანსური პროგრამის სრული მოცულობა განსაზღვრული იყო 178 400 ლარით. მათ შორის: ერთჯერადი კვების უფასო სასადილო დაფინანსება 35 ათასი ლარით და იგი უმსახურებოდა 50 ბენეფიციარს.

მოსახლეობისათვის დიდი შედეგითაა სამედიცინო მომსახურებაში ფინანსური დახმარება, კერძოდ, ქირურგიული ოპერაციების ჩატარებაში. პროგრამის მიზნობრივი მიმართულებაა მძიმე სოციალურ-ეკონომიკური მდგომარეობის მქონე პირთა ქირურგიული ოპერაციის ღირებულების თანადაფინანსება, მათ შორის თითოეული ბენეფიციარის ოპერაციის სრული ღირებულების 50%, არაუმეტეს 1500 ლარისა.

ასევე მუნიციპალიტეტის ტერიტორიაზე რეგისტრირებული ჯანმრთელობის სახელმწიფო დაზღვევის პროგრამის, ან კერძო სადაზღვევო პოლისის არმქონე მოქალაქის თანადაფინანსება ასევე 50%-ის ოდენობით, არაუმეტეს – 1500 ლარისა. აღნიშნული მოქალაქეების თანადაფინანსება, რომელთა ოპერაცია ფინანსდება არასრულად (70-80%-ით) და დანარჩენი თანხა აღემატება 500 ლარს, ის მოქალაქეები, რომლებიც რეგისტრირებულნი არიან სოციალურად დაუცველ ერთიან ბაზაში და მათი სარეგისტრაციო ქულა 57 ათასია, მის ქვემოთ პაკეინტის გადასახდელი თანხა ფინანსდება სრულად, არაუმეტეს 1500 ლარისა.

თანადაფინანსება ხორციელდება ჯანმრთელობის ცნობის (ფორმა 100-ის), სამედიცინო მომსახურების ხარჯების ანგარიშგეგმვის, კალკულაციის, პაკეინტის პირადობის მონიშვნის საფუძველზე და დამატებითი სადაზღვევო კომპანიის მიერ განერილი საცნობარო ხასიათის ინფორმაციის საფუძველზე.

გასულ წელს ქირურგიული ოპერაციების თანადაფინანსების პროგრამის ფარგლებში მომსახურება გაენია 88 მოქალაქეს და მათზე გაიცა 61 831 ლარის ფულადი დახმარება.

აქვე უნდა აღინიშნოს, რომ მუნიციპალიტეტში რეგისტრირებული ვეტერანებისა და იძულებით გადაადგილებულის სტატუსის მქონე გარდაცვლილი მოქალაქის სარიტუალო ხარჯების დაფარვა კანონმდებლობით გათვალისწინებული ნორმატივების შესაბამისად ომის თითოეულ ვეტერანზე გაიცა 250 ლარი, ხოლო „დევნილებზე“ – 200 ლარი.

სულ ამ მიზნით გარდაცვლილ ვეტერანებზე გაიცემულია 1000 ლარი.

სხვა სოციალური ხარჯი გაიცა 60000 ლარი. კერძოდ, პროგრამის მიზნობრივი მიმართულებაა რეგისტრირებული მრავალშვილიანი ოჯახების, მეორე მსოფლიო ომის, ქვეყნის ტერიტორიული მთლიანობისათვის და სხვა ომისა და შეიარაღებული ძალების ვეტერანთა, მკვეთრად გამოხატული მხედველობაზე მზღვრული შესაძლებლობის სტატუსის მქონე პირველი ჯგუფის ინვალიდთა, იძულებით გადაადგილებულ პირთა, ხანდაზმულთა, დედ-მამით ობოლ არასრულწლოვანთა და „სხვა გამოხატული შემთხვევებში“ მოქალაქეთა ერთჯერადი მატერიალური დახმარება (მემთხვევის სიმძიმისა და გამოდინარე), კერძოდ – მრავალშვილიანი ოჯახებისთვის (არასრულწლოვანი ოთხი (მათ შორის 23 წლამდე სტუდენტი და მოსწავლე) და მეტი შვილი) – გაიცა 13000 ლარი;

საბიუჯეტო წლის დასაწყისისათვის პროგრამის მონაწილე დარეგისტრირებულია 51 მრავალშვილიანი ოჯახი, რომლებსაც ვისაც გამოიყო 18 000 ლარი და ამჟამად მათზე გაიცემულია 11500 ლარის დახმარება. მეორე მსოფლიო ომის, ქვეყნის ტერიტორიული მთლიანობისათვის და სხვა ქვეყნის ტერიტორიაზე მებრძოლ დაინვალიდებული ვეტერანებისთვის – 5000 ლარი;

საბიუჯეტო წლის დასაწყისისათვის პროგრამის მონაწილე დარეგისტრირებულ მეორე მსოფლიო ომის შვიდ და ქვეყნის ტერიტორიული მთლიანობისათვის და სხვა ქვეყნის ტერიტორიაზე მებრძოლ 12 დაინვალიდებულ ვეტერანებზე უკვე გაიცა 35 000 ლარის დახმარება, ხოლო ტერიტორიული მთლიანობისა და სხვა ქვეყნის ტერიტორიაზე დაღუპული ოჯახებისთვის – 1600 ლარი; მკვეთრად გამოხატული მხედველობის მქონე მრავალშვილიანი ოჯახებისთვის მქონე პირების ოჯახებისთვის გაიცა 3000 ლარის დახმარება.

ასევე პირველი ჯგუფის მხედველობით ინვალიდის დარეგისტრირებული 17 ოჯახიდან 13 ბენეფიციარის ოჯახზე გაიცემულია 1950 ლარის დახმარება. იძულებით გადაადგილებულ პირებზე – 400 ლარი; ხანდაზმულთათვის (ასი და ას წელზე უნესზე – 2 პირი) გაიცა 800 ლარი; დედ-მამით ობოლ არასრულწლოვანებზე, ასევე – 800 ლარი; მზღვრული შესაძლებლობის სტატუსის მქონე არასრულწლოვანთათვის გაიცემულია 2500 ლარის დახმარება. სხვა გამოხატული შემთხვევებისთვის – 33500 ლარი.

ქვეპროგრამის მიზნობრივი მიმართულებაა „მუნიციპალიტეტის მალაღმთიან დასახლებაში მუდმივად მცხოვრები სტატუსის მქონე პირის, მოქალაქის, რეგისტრირებულ იმ ცალკეულ მოქალაქეთა გამოხატულების წესით“ თანადაფინანსება, რომელიც ფინანსური დახმარების განხორციელების დასადასტურებლად წარმოდგენილი აქვთ ტერიტორიული ნიშნით წარმომადგენლობითი და აღმასრულებელი ორგანოების ოფიციალური პირების (საკრებულოს დეპუტატებისა და სოფლის წარმომადგენლის) წერილობითი შუამდგომლობა, შესაძლო ფინანსური დახმარების ოდენობა არ უნდა აღემატებოდეს 1500 ლარს. დახმარება გაიწვევს წელიწადში ერთხელ. ასევე მძიმე ეკონომიკური მდგომარეობის მქონე მოქალაქეებზე სადიანგნოსტიკო გამოკვლევებისა და მედიკამენტების შეძენისას ფინანსური დახმარება გაიცემა წელიწადში ერთხელ, არაუმეტეს 1500 ლარისა (პაკეინტის მიერ თუ გადახდილია 500 ლარადან 1500 ლარამდე – 50%-ით; 1500 ლარადან 3000 ლარამდე – 100%; ხოლო 3000 ლარზე მეტის შემთხვევაში – 1500 ლარი). დაფინანსება განხორციელდება გამგებლის წარმომადგენლის შუამდგომლობის, ჯანმრთელობის ცნობისა (ფორმა 100) და ანგარიშ-ფაქტურის საფუძველზე.

აღნიშნული დახმარება ვრცელდება ისეთ დაავადებებზე, როგორცაა – ონკოლოგიური, ჰეპატიტი, გულსისხლძარღვთა დაავადების პათოლოგია და ინტექციის შემდგომი პერიოდი.



გასულ წელს ამ პროგრამით დაფინანსებულია 33 ბენეფიციარი და მათზე გაიცა 20111 ლარის დახმარება.

აქვე აღსანიშნავია, რომ მეორე მსოფლიო ომის მონაწილეებს ყოველწლიურად – 9 მაისს გადაეცემათ 100 ლარის სასაჩუქრე პაკეტი.

რაც შეეხება 2017 წელს. ამ დანიშნულებებისათვის ბიუჯეტით გამოყოფილია 186 ათასი ლარი. მათ შორის:

- ერთჯერადი კვების უფასო სასადილოსათვის 50 ბენეფიციარზე – 35000 ლარი (უკვე დახარჯულია 6293 ლარი);
- ქირურგიული ოპერაციების თანადაფინანსებისათვის – 55000 ლარი (უკვე გაიცემულია 26 ბენეფიციარზე 17469 ლარი);
- ახალდაბადებულ ბავშვთან ოჯახებზე 35000 ლარი (36 ბენეფიციარზე უკვე გაიცა 9250 ლარი);
- ვეტერანთა და დევნილთა სარიტუალო ხარჯი გამოყოფილია 1000 ლარი.

- სხვა ხარჯი:
- მრავალშვილიანი ოჯახებისათვის გამოყოფილია 60000 ლარი (გაიცემულია 32 ბენეფიციარზე 13800 ლარი);
- მეორე მსოფლიო ომის ვეტერანებისათვის წელს მათზე გამოყოფილია თანხამ თითოეულზე 1000-1000 ლარი შეადგინა, ქვეყნის ტერიტორიული მთლიანობისათვის და სხვა ქვეყნის ტერიტორიაზე მებრძოლ ომისა და შეიარაღებული ძალების ინვალიდთათვის – 250-250 ლარი, დაღუპულთა ოჯახებისათვის – 300-300 ლარი;
- იძულებით გადაადგილებულებზე – 500 ლარი;
- ხანდაზმულებზე (2) – 500-500 ლარი;
- დედ-მამით ობოლ არასრულწლოვანთათვის (2) – 500-500 ლარი;
- შშ-ის მქონე არასრულწლოვანთათვის (24) – თითოეულზე – 200-200 ლარი;
- სხვა გამოხატული შემთხვევებისთვის – 21100 ლარი;

ამდენად: მუნიციპალიტეტის გამგეობა შესაძლებლობის ფარგლებში, მზადაა გაუწიოს შესაბამისი დახმარება ეკონომიკურად შეჭრებულ თითოეულ მოქალაქეს, რათა მაქსიმალურად შეუმსუბუქოს მათ ცხოვრების პირობები.

ქათივან მამუკაშვილი

# კონსტიტუციის ახალი რედაქცია ასპინძელების შეფასებით

რომ კონსტიტუციაში ამის ასახვა არ შეიძლება, კონსტიტუციაში ასეთი საკითხები არ იწერება, კონსტიტუცია უფრო გლობალურ საკითხებს მოიცავს. თემიდან ცოცხალად გადავხვევ, – იგივე ევროკავშირთან მიმართებით ჩვენი პოზიცია კონსტიტუციით განვამტკიცოთ, ეს არის არაპროფესიული მიდგომა, რადგან, რომ გვეთქვა 30 წლის წინათ, საბჭოთა კავშირთან უნდა ვიყოთ გადაბმული, ხომ არ შეიძლება? ხომ ვხვდებით, როგორ შეიცვალა მსოფლიო? დღეს არსებობს საბჭოთა კავშირი? არ არსებობს! ასევე ამ შემთხვევაშიც. რეალობა თუ გვინდა, რომ ვიცოდეთ, ისაა, რომ ევროკავშირი შეიძლება გვალაშკარავდეს, ალარ იყოს, დაიშალოს, ამიტომ საკითხიც ასე არ უნდა დავსვათ. ბევრი რამ მაინც ორგანულ კანონებს და აქტებს უნდა დაუფუძვდებაროთ.



**ციციანო კურცხალია,**  
პენსიონერი, ყოფილი კომუნისტური  
– მინა არ უნდა გაიყიდოს უცხოელებზე იმიტომ, რომ საქართველო ხომ ყოფილა ერთ დროს დიდი ქვეყანა? დღეს ძალიან გვიჭირს ეკონომიკურად, სულიერად, მაგრამ, მიუხედავად ამისა, მოლოდინი მაინც გვაქვს, რომ ახლო მომავალში გამოვალთ სიღუბეშიდან, გაიზრდება საქართველო, ისევე მომრავლდებიან ქართველები და, მერე, გვეყოფა კი მიწები? ჩვენი მომავალი თაობები რაღას იზამენ? კიდევ ერთი რამ მაკვირვებს ჩვენი პოლიტიკოსებისა და ცნობილი ადამიანებისგანაც, – 85 წლის გლეხი ქალი ვარ, რომელმაც თოხისა და ბარის მეტი არაფერი ვიცი და განათლებაც ვერ მივიღე და მე, ის თუ ვიცი, მტერი

რომ შემოგვესოდ და ძალით გვგლეჯდეს ჩვენს მიწა-წყალს, ჩვენი წინაპრები სისხლს რომ ღვრიდნენ მისი გადარჩენისთვის, დღეს რა გვემართება? ნუთუ არაფერი ქართული არ ადარდებთ ამათ? რატომ, რისთვის, ვისთვის ვყიდით ჩვენს წინაპრების სისხლთა და ხორციით გაპოხიერებულ ჩვენს წმინდა მიწა-წყალს? იარაღით შემოსული მტერი და ფულით შემოსული „მოკეთე“ ერთი და იგივე არა არის?! უნის, ვინც ყიდდა ქართულ მიწებს, ხომ იყვნენ ნამდვილი მოღალატეები? ახლა რატომ ვეღარ ვპოულობთ მსგავსებას მათ შორის? მინიმუმ დაიპყრობს ქვეყანას თუ ფულით, რა მიმდევრობა აქვს ამას? ნუთი რატომ უნდა ჩავაბაროთ საქართველო სხვას, – გადავთიფოს. რა გვემართება, ახალგაზრდებო, – ამით ხომ საქართველოს მომავალს ძირს ვუთხრით და საქართველო აღარ იარსებებს ქართველებით? თავს რატომ ვიკლავთ ჩვენი ნებით? ამიტომ მიმაჩნია, რომ სხვა გზა რომ არა გვაქვს, კონსტიტუციით უნდა აიკრძალოს მინის უცხო ქვეყნის მოქალაქეებზე გაყიდვა.

– ერთსქესიანთა ქორწინება რაღა მოდაა ეს? ეგ როგორ შეიძლება, ქალს უნდა ეტყობოდეს ქალობა, კაცს კაცობა. ვის რაში ჭირდება ასეთი ოჯახების შექმნა? უნდა იყოს ტრადიციულად ქალისა და მამაკაცის მიერ შექმნილი ოჯახი. ასეთი პრინციპების გატარება არც ჩვენს გამრავლებას დააყრის ხერხს და ეს იქნება ქართველების განადგურებისთვის ხელისშეწყობი პირობა. ამიტომ კონსტიტუციაში უნდა ჩავწეროთ, რომ ოჯახი არის ქალისა და კაცის ერთობა.

– პრეზიდენტი ხალხმა უნდა აირჩიოს, იმიტომ რომ იმ პარლამენტში ერთი და იგივე აზრის ხალხია და მთელი ერის აზრს ვერ გამოხატავენ.

**ედიშარ ნარიშანიძე,**  
ლექტორი

ქართული მიწების მიყიდვა უცხოელებზე უნდა აიკრძალოს კონსტიტუციით, იმიტომ, რომ ქართული მიწა ეკუთვნის ქართველ ხალხს, მის მომავალს.  
– პრეზიდენტის არჩევა უნდა მოხდეს ხალხის მიერ, პირდაპირი არჩევით.

– ერთსქესიანთა ქორწინება საქართველოში არ უნდა იქნეს დაშვებული, კონსტიტუციაში უნდა იყოს ჩანერგილი, ქორწინება როგორც ქალისა და მამაკაცის ერთობა.

**ვახტანგ ველიჯანაშვილი,**  
პენსიონერი, სამეურნეო დარგის ყოფილი მუშაკი

– მიწები, ჩემი აზრით, არ უნდა გაიყიდოს უცხოელებზე, უცხოელებს თუ მინა უნდა, საქართველოში მცხოვრები მოქალაქეებისაგან იჯარით უნდა აიღონ, ისიც, მცირე დროით. მინა ქართველი ხალხის საკუთრებაა და მას ეკუთვნის.

– ხალხმა უნდა აირჩიოს პრეზიდენტი. ხალხის აზრი მაინც სხვა არის. იმ სამასი კაცის აზრი მთელი ქართველი ხალხის აზრი არაა.

– სასტიკად დაუშვებელია ერთსქესიანთა ქორწინების დაშვება ისეთ ტრადიციულ ქვეყანაში, როგორც საქართველოა. ძნელია უცხოეთიდან თავს რომ გვახვევენ თავიანთთვის მისაღებ პოზიციებს. ჩვენ დემოგრაფიულად უკიდურესად საგანგაშო მდგომარეობაში ვართ და ეს კიდევ უფრო დააჩაქრებს ჩვენს განადგურება-გადამენებას. ჩვენი ადთანესებიდან გამოდინარე, არ უნდა დაეუფლოთ თუნდაც ერთი პროცენტის ალბათობა, რომ დაგაკანონოთ ერთსქესიანთა ქორწინება. ჩემო დალოცვილო ქართველებო – თითოეული, ცალ-ცალკე აღებული მილიარდნახევარიანი ჩინეთი და ინდოეთი ამას არ უშვებს თავის ქვეყნებში და ჩვენ რა გვემართება, განა სამილიონიანი ქვეყანა გაუძლებს ამ შემოტევას? კონსტიტუციაში აუცილებლად უნდა ჩაინეროს: ოჯახი ესაა ქალისა და მამაკაცის ერთობა. სხვაგვარად წარმოუდგენელია ჩვენი ცხოვრება. ვისაც როგორ უნდა, მერე, კონსტიტუციით უნდა გამოვადგინოთ ქორწინების არსს, ისე წარმართოს თავისი ცხოვრება, ხალხს კი ნუ შეეხებიათ. ეს უკვე თავიანთი საქმეა, მათი პირად ცხოვრებაში ვერავინ ვერ ჩაეუფლება.

**როპერტ შუბაპარიძე**  
პედაგოგი

– ოდითგან, ქართველი ხალხი, გარეშე მტრებთან განუწყვეტელ ომებში იყო. იგი უკა-

ნას კნელ სისხლის წვეთამდე იცავდა თავის სამკვიდრებებს – მიწას.

მტერს სისხლის ფასად ერთ გოჯსაც არ უთმობდა,

დღეს მრავალ უცხოელს თვალი უჭირავს ჩვენს მიწა-წყალზე.

ჩემი აზრით უცხოელებზე მინა არ უნდა გაიყიდოს, თუმცა, შეიძლება, მათზეც გაიცემს იჯარით სასოფლო-სამეურნეო მიწა, მაქსიმუმ ათი წლით და არა 49 წლით, ან მუდმივად.

– მე ვერ ვხედავ ანტიდემოკრატიულობას იმაში, თუ პრეზიდენტი აირჩევა პარლამენტის მიერ, რადგან პარლამენტი ხომ ხალხის მიერაა არჩეული.

– კონსტიტუციაში ნამდვილად უნდა ჩაინეროს, რომ ოჯახი იქმნება ქალისა და მამაკაცის ნებაყოფლობით, რადგან ოჯახი მაშინ არის სრულყოფილი, თუ იქ იზრდებიან ბავშვები.



გვები. ჩვენს ქვეყანაში ოჯახი ადრე რამდენიმე თაობისაგან შედგებოდა და იქ იზრდებოდნენ ურთიერთპატივისცემით. შრომა ერთობდნენ იყო, უფროსებისგან სწავლობდნენ და დღეს, ვინც ერთსქესიანთა ქორწინებას გვთავაზობს, არ ვეთანხმები, ეს არავითარ დემოკრატიულობას არ გამოხატავს. არც ანტიდემოკრატიულობაა ჩემს აზრით განცხადებები ამდგავარსაკითხებზე. ოჯახში დედ-მამა უნდა ზრდიდნენ შვილებს და არა – ე.წ. „დედები“ და „მამები“, როგორც ამას უცხოელთა მიზანმიმართულად გვთავაზობენ დემოკრატიის მამები.

გამოკითხვა ჩაატარა  
**აპთანდილ ბარძიმა**

# სასწავლო წელი შეჯამდება

2016-2017 სასწავლო წელი ნაყოფიერი იყო ჩვენი სკოლებისთვის. რესურსცენტრის სამოქმედო ტერიტორიაზე ფუნქციონირებს 18 საჯარო სკოლა 1541 მოსწავლით და 393 პედაგოგით. მათგან 12 საჯარო სკოლა – საშუალო საფეხურის; 6 – საბაზო საფეხურის; 1 – სოფელ დამალის საჯარო სკოლა, – არაქართულენოვანია /სომხური/. არ ყოფილა სასწავლო პროცესის შეფერხება გათბობისა თუ სხვა მიზეზით. სკოლები სრულად არის აღჭურვილი ინვენტარით, სახელმძღვანელოებით, თვალსაჩინოებითა და მასწავლებელთა პროფესიული განვითარებისათვის საჭირო მასალებით. 133 პირველკლასელმა მიიღო ახალი კომპიუტერი. კომპიუტერები გადაეცათ მათ დამრიგებლებსაც. სკოლების ინფორმირებასა და პროფესიული განვითარებისათვის საჭირო მასალებით უზრუნველყოფას ემსახურება რესურსცენტრის ბიბლიოთეკა.

ყურადღებას ვაქცევთ ინკლუზიის პროგრამის განხორციელებას. დღეისათვის მულტიდისციპლინური გუნდის მიერ შეფასებულია ჭობარეთის, ოშორის, რუსთავის, მირაშხანის, დამალის, ასპინძისა და აწყვიტის სკოლების 35 სსმ მოსწავლე.

სსპ – საგანმანათლებლო და სამეცნიერო ინფრასტრუქტურის განვითარების სააგენტოს მიერ 2017-2018 სასწავლო წლის დაწყებამდე განხორციელებულია დაბა ასპინძის, სოფელ ოშორის, ნაქალაქევის და აწყვიტის საჯარო სკოლების სარეაბილიტაციო სამუშაოები, დაგეგმილია ახალი სკოლის მშენებლობა სოფელ ორგორში.

წლის განმავლობაში სკოლები აქტიურად მონაწილეობდნენ განათლებისა და მეცნიერების სამინისტროს

მიერ ინიცირებულ სხვადასხვა პროგრამებსა და კონკურსებში, ეროვნულ სასკოლო ოლიმპიადებში, სპორტულ და სპორტულ-შემეცნებით ოლიმპიადებში, ორგანიზება გაეწიეს საშუალო საფეხურის მოსწავლეთა ექსკურსიებს შინაგან საქმეთა სამინისტროსა და პოლიციის აკადემიაში, ასევე პარლამენტსა და უზენაეს სასამართლოში და სხვ.

თავისუფალი გაკვეთილების პროგრამის ფარგლებში გრანტი მოიპოვეს და უკვე დაფინანსდა ოშორის, იდუმალის, ნაქალაქევის, აწყვიტის, ტოლოშის, დამალის საჯარო სკოლების მიერ წარდგენილი პროექტები.

აქტიურ რეჟიმში უხდებოდა საქმიანობა მასწავლებლებს პროფესიული განვითარებისა და კარიერული წინსვლის ახალი სქემის მოთხოვნათა შესაბამისად. ამაში მათ უდიდეს დახმარებას უწევს განათლებისა და მეცნიერების სამინისტრო, მასწავლებელთა პროფესიული განვითარების ეროვნული ცენტრი. თითქმის ყოველი კვირა დატვირთული იყო ტრენინგებითა და სხვა აქტივობებით, რომელიც მასწავლებელთა პროფესიულ განვითარებასა და კარიერულ წინსვლას ემსახურება.

უახლოესი გამოწვევა გამოსაშვები გამოცდები საჯარო სკოლებში. გამოცდები ცენტრალიზებულად ტარდება, შეფასებისა და გამოცდების ეროვნულ ცენტრს უკვე მივანოდეთ შესაბამისი ინფორმაცია, დარეგისტრირებულია და გაფრთხილებულია ყველა კურსდამთავრებული, ინსტრუქციის შესაბამისად მზადდება საგამოცდო ცენტრებად შერჩეული სკოლები.

როგორც წინა წლებში, წელსაც გვყავს, სავარაუდოდ, ოქროსა და ვერცხლის მედლის კანდიდატები



რამდენიმე საჯარო სკოლაში. წინასწარი მონაცემებით, წლებიდანელი კურსდამთავრებულების რაოდენობას გადააჭარბებს 2017-2018 სასწავლო წლის პირველკლასელთა რაოდენობა. ეს განსაკუთრებით მნიშვნელოვანი და სასიხარულოა.

**ტრისტან მურადაშვილი**  
ასპინძის საგანმანათლებლო რესურსცენტრის უფროსი

## მეტი ლამპიონი – ასპინძაში

ბოლო პერიოდში მრავალი ინფრასტრუქტურული პროექტი განხორციელდა დაბისა და, საერთოდ, მუნიციპალიტეტის სოფლების შემდგომი აღმავლობისა და განვითარებისათვის. ადგილობრივ მოსახლეობაზე რომ არაფერი ვთქვათ, ამის შესახებ, რაიონში შემოსული სტუმარი, ტურისტი თუ ექსკურსანტი, მაშინვე შეამჩნევს იმ დიდ წარმატებულ სამუშაოებს, რომლებიც ამჟამად ხორციელდება რაიონის საკეთილდღეოდ და ყველა, ვისაც მხედველობა, გონება და განსჯის უნარი აქვს, თვალნათლივ დაინახავს, რომ ჩვენი პატარა რაიონი, ადრე სხვა რაიონებისაგან რომ არაფრით არ გამოირჩეოდა, ნამდვილ სამშენებლო პოლიგონად იქცა; გაჩირადნებულა დაბის ქუჩები, კულტურისა და დასვენების ლამაზად მოწყობილი პარკი, სადაც გვიანობამდე ხალხმრავლობა და ყველასათვის საყვარელ დასასვენებელ ადგილად იქცა, განსაკუთრებით ზაფხულის პერიოდში.

ჩვენი სამსახურის თითოეულ თანამშრომელს, ნამდვილად ეამაყება, რომ დაბისა და, მთლიანად, სოფლე-

ბის განათების საქმეში გამართულ მუშაობას ჩვენი მოკმაძლეული, მაგრამ დაუღალავი მუშაობაც განაპირობებს, რომელიც მომსახურებას უწევს არა მარტო დაბის ქუჩების განათების საქმეს, არამედ – რუსთავის, იდუმალის, ოთის, დამალის, ნიჯგორის, ტოლოშის, ხერთვისის, გელსუნდის, თმოგვის, ნაქალაქევის, მირაშხანის ცენტრალური უბნების განათებას.

აღსანიშნავია, რომ მარტო მიმდინარე წელს ცენტრალური ვარძის ქუჩის ძირითად მონაკვეთზე შეიცვალა დეკორატიულ კედლებზე არსებული ძველი ლამპიონები და დამონტაჟდა ახალი, თანამედროვე ნათურები. რად არ ღირს იმის აღნიშვნაც, რომ დაბაში გამავალ ცენტრალურ მაგისტრალზე – სოფელი იდუმალიდან ჩიხორიშამდე დამონტაჟდა გარე განათება. განათება გაკეთდა აგრეთვე ე.წ. თეთრი ხიდიდან რაგბის სპორტკომპლექსამდე. დაბაში არ არის დარჩენილი არცერთი ქუჩა, ჩიხი თუ მოედანი, განათების გარეშე რომ იყოს დარჩენილი. ბოლო პერიოდში ჩავამატეთ აგრეთვე ბო-

ძები და დავამონტაჟეთ ლამპიონები ერეკლე მეორის, ყაზბეგის, სანაპიროს, შალვა ახალციხელის, ჯავახიშვილის, ხვილიშის, ვარძის და ერკოტის ქუჩების, უბნების და ჩიხების მისასვლელებში.

მუნიციპალიტეტის გამგეობის ხელშეწყობით და დიდი დახმარებით ჩვენი შრომითი კოლექტივი მომავალშიც ყველაფერს გააკეთებს იმისათვის, რომ დაბაშიც და მთელ რაიონშიც ღამის განათების სისტემა გამართულად მუშაობდეს, პერიოდულად განახლდება ელექტრო გაყვანილობის სისტემა, მრავალი ახალი ლამპიონი შეემატება ჩვენს დაბასა და რაიონის ყველა სოფელს – კეთილმოწყობილი, მოასფალტებული, განათებული ქუჩები ხომ სტუმრისთვის საუკეთესო სავიზიტო ბარათია.

**პასილ ბერიძე,**  
აიპი-ი გარეგანობა „ასპინძის“ უფროსი

## ხვნა-თესვის სამუშაოები დასასრულს უახლოვდება

2017 წლის საგაზაფხულო სამუშაოები ასპინძის მუნიციპალიტეტში დაგვიანებით, მაგრამ ორგანიზებულად დაინციო, რაც განპირობებული იყო გაზაფხულის ცივი და წვიმიანი ამინდების გამო. მოსახლეობა, მიუხედავად ცუდი ამინდებისა, დაგვიანებით, მაგრამ მაინც ახერხებს საგაზაფხულო სამუშაოების ჩატარებას. მიმდინარე წელს ხვნა-თესვით სამუშაოებში ჩართულია

როგორც შპს „მეკანიზატორის“, ასევე კერძო მფლობელობაში არსებული ყველა სახის სასოფლო სამეურნეო ტექნიკა. ცნობისათვის: ასპინძის მუნიციპალიტეტის ტერიტორიაზე ირიცხება 4849 ჰექტარი სახნავ-სათესი მიწის ფართობი, რომლის დამუშავება მცირედით, მაგრამ ყოველწლიურად მაინც მატულობს. მაგალითისათვის, – თუ 2012 წლისთვის მოხსნილი იყო 1395 ჰექტარი, მიმდინარე 2017 წელს – (25 მაისის მდგომარეობით) მოხსნილია 2350 ჰექტარი. ეს კი მნიშვნელოვანი წინ გადადგმული ნაბიჯია სოფლის მეურნეობის აღორძინებისათვის.

ასევე ამ პერიოდისათვის დაითესა 2030 ჰექტარი მიწის ფართობი, მათ შორის – 947 ჰექტარი კარტოფილი, 424 ჰექტარი ქერი, 385 ჰექტარი ხორბალი და სხვა. ასპინძის მუნიციპალიტეტის ტერიტორიაზე ხვნა-თესვს სამუშაოები დასასრულს უახლოვდება.

## კარტოფილის ჩრჩილი

სოფლის მეურნეობაში დასაქმებული მოსახლეობის დიდი ნაწილი, ჩვენთან, მუნიციპალიტეტის მთელ ტერიტორიაზე, ინტენსიურად მისდევს მეკარტოფილეობის განვითარებას. მარტო გასული წლის მონაცემებით კარტოფილის ნათესმა ფართობებმა 117 ჰექტარი შეადგინა. შესაბამისად, ბოლო წლებში, საქართველოში კარტოფილის დაავადებებმაც ფართოდ იჩინა თავი – გაჩნდა განსაკუთრებით საშიში ისეთი საკარანტინო დაავადებები, როგორებიცაა – კარტოფილის მურა სი-დამპლე, ალტერნარიოზი, ფიტოფტოროზი, აგრეთვე საკარანტინო მავნებელი – ჩრჩილი.

კარტოფილის ჩრჩილი მრავლდება როგორც მინდორში, ასევე საწყობებშიც. გარდა კულტურული მცენარეებისა, იგი იკვებება ძაღლყურძენასებრთა ოჯახის წარმომადგენელი სარეველა მცენარეებით. კარგად იტანს დაბალ ტემპერატურას. ეს თვისებები კი მნიშვნელოვნად უწყობს ხელს მის აკლიმატიზაციასა და გამრავლებას.

მავნებლის კვერცხის აღწერა: მავნებლის კვერცხი ბრჭყვიალა, თეთრი ფერისა და ოვალური ფორმისაა. მისი დიამეტრი დაახლოებით 0.8 მმ-ია.

მავნებლის მატლის აღწერა: მავნებლის მატლის თავი მუქი ყავისფერია, შავი ფარებით, სამი ჯაგრით ცრუფეხების ფუძეებში. ქვედა მხრიდან, მუცლის მეორე სეგმენტზე, აქვს ექვსი მუქი ფარი. ზრდასრული მატლის სიგრძე დაახლოებით 10-12

მმ-ია და ვარდისფერი ან მოყვითალო თეთრი ფერისაა. მავნებლის აღწერა: პუპლის სიგრძე გაშლილი ფრთებით 12-16 მმ-ია. მუცელი ქვედა მხრიდან – მკრთალი ნაცრისფერია, დორსალური მხრიდან კი მოყვითალო ნაცრისფერი. წინა ფრთები ვერცხლისებრი ნაცრისფერია, უკანა კიდებუ მუქი ლაქებით.



გამრავლება მინდორში: პუპები მინდორში კვერცხს კარტოფილისა და ძაღლყურძენასებრთა ოჯახის წარმომადგენელ სხვა მცენარეთა ფოთლების ქვედა მხარეზე დებენ. კარტო-

ფილის შენახვის პერიოდში მავნებლის პეპელა კვერცხს დებს კარტოფილის ტუბერის კვირტებზე. კვერცხიდან გამოჩეკილი მატლები იჭრებიან ტუბერში და აზინებენ მის რბილობს.

სიმპტომები: მცენარის ფოთლებზე წარმოიქმნება ნაღმები. გარა ამისა ძლიერ ზიანდება მცენარის ყუნწები და ღეროები. ტუბერის კანი, მატლის შეჭრის ადგილას, ვარდისფერ, ან იისფერ შეფერილობას იღებს. ასევე ტუბერის ამ ადგილებში გროვდება მატლის ექსკემენტები.

პრეპარატის შერჩევა: შეარჩიეთ კონტაქტურ-ნაწლავური მოქმედების ინსექტიციდი და შეაზავეთ პრეპარატი წყალთან. არ შეეხოთ პრეპარატს დაუცველი ხელებით.

შენამვლა: შენამვლეთ კარტოფილი დაავადების პირველივე ნიშნების გამოჩენისთანავე. მავნებლობის პერიოდი დაბალ ზონაში აპრილ-მაისია, მაღალ ზონაში – ივნისი-სექტემბერი. დაიცავით პესტიციდების გამოყენების წესები და ვადები. გამოიყენეთ სპეციალური საცემელი.

**ოლღა ბერიძე,**  
სოფლის მეურნეობის სამინისტროს ასპინძის საინფორმაციო საკონსულტაციო სამსახურის მთავარი სპეციალისტი

# წარსლის ფარსები



1963 წელი. ასპინძის საშუალო სკოლის მოსწავლეები ასპინძის კოლმეურნეობაში სიმინდის აღების დროს

## საგაფრო ფარდული დაიდგა

უკანასკნელ პერიოდში ბევრი სასიკეთო ძეგლები ხდება ასპინძის სინამდვილეში. დიდი მნიშვნელობა ენიჭება დაბის იერსახის გაუმჯობესებას და თვალმისაცემია მოსახლეობის მომსახურების

კულტურის დონის ამაღლებისათვის ზრუნვა. ტურისტული სეზონის დაიწყებამაც მეტი საზრუნავი გაუჩინა მუნიციპალიტეტის მესვეურებს. გვახსოვს, ამ ცოტა ხნის წინ, ასპინძელები, ხშირად გა-

მობატავდნენ საყვედურებს, რომ დაბის ცენტრში, იქ, სადაც სასოფლო-სამეურნეო პროდუქტებით ვაჭრობდნენ, ანტისანიტარია იყო გამეფებული.

ეს გარემოება მხედველობაში მიიღო მუნიციპალიტეტის გამგეობამ და, ამ ცოტა ხნის წინ, ე.წ. ცენტრის წყაროსთან, სასოფლო-სამეურნეო პროდუქტების სავაჭრო ფარდული ჩადგა, რითაც საშუალება მიეცათ გარე მოვაჭრეებს კულტურული მომსახურება გაუწიონ როგორც დაბის მოსახლეობას, ასევე დაბაში გავლთი მყოფ მოქალაქეებსაც.

საკ. ინფორმაცია



### ლიმიტის ყოფი

#### მეზობლონჯარ ასეთი უნდა

ასპინძაში, სააკადის ქუჩაზე, ცხოვრობდა რაიონში კარგად ცნობილი პიროვნება – პოლკოვნიკი ლავრენტი გიორგაძე, რომელიც კარგ მეურნედაც ითვლებოდა. ყოველთვის სანიმუშოდ უვლიდა ეზო-კარმიდამოს.. როგორც სხვა მეზობლებს, ტროტუართან, ღობის გასწვრივ, გაყოლივებდა, ჭანჭურის ხეივანი ჰქონდა გაშენებული. ბოლო ხანს, პოლკოვნიკი, მეუღლისგან, ხშირად ღებულობდა საყვედურს, ჭანჭური დასარბევი რომ ჰქონდა, მაგრამ ასაკის გამო, აღარ შეეძლო მას ხეზე ასვლა.

ერთ დღესაც, კარმიდამოს შემოვლის დროს, შენიშნა, რომ ჭანჭურის თითქმის ყველა ხე ჩამობრტყილი დახვდა, რაც ძალიან ესაიამოვნა, მაგრამ ვერ გაეგო, ესოდენ დიდი დახმარება რომელმა კეთილმა ადამიანმა გაუწია...

მის მეზობლად ცხოვრობდა ასევე რაიონში კარგად ცნობილი, ქეიფის მოყვარული პეტრე მელიქიძე, ტანად ბრვე და მძიმე წონის, რომელიც იმხანად, რაიკავშირის მთავარ ბუხალტრად მუშაობდა და, თურმე, ერთ-ერთი მორიგი ქეიფიდან ისე მთვრალი დაბრუნებულია შინ, რომ ტროტუარზე ბარბაცით მიმავალი ჭანჭურის ხან

ერთ ხეს მიეჯახებოდა ხოლმე, ხან მეორეს და... ასე, ნელ-ნელა, გზა-გზა, სულ შემოებერტყა ჭანჭურის ხეები.

#### როდის უნდა წავიდეს ამქვეყნიდან, რომ დავისვენო?

ლავრენტი გიორგაძის მეზობლად ცხოვრობდა განათლების სისტემის დამსახურებული მუშაკი პადევაგან იგითიანი, რომელიც ბატონ ლავრენტისგან განსხვავებით, ბაღჩა-ბაღის მოვლისაგან მწყურვალად იყო განწყობილი, ამას ისიც ემატებოდა, რომ ამ ქუჩაზე სარწყავი წყალი დიდ პრობლემას წარმოადგენდა და ამიტომ მეურნეობისკენ არც იხედებოდა, მისგან განსხვავებით, მისი მეუღლე, ქალბატონი ნათელა ტივაძე ამ მეურნეობისადმი განსაკუთრებულ ინტერესს იჩენდა.

ხანგრძლივი, გავლვიანი ზაფხულის ერთ დღეს, დილაადრიან, უთენია, რის ვაიფავლახით ძლივს გააღვიძა მეუღლე და სთხოვა, – ეზო მოერწყო და იქვე უხსენა, რომ მეზობელ ლავრენტის ეზო-კარმიდამოს მორწყვა დემთავრებინა და ახლა მასაც შეეძლო საკუთარი ეზოს მორწყვა.

მეზობელსა და მეუღლეს

გაბრაზებულმა პადევაგანმა, რომელსაც, როგორც ვთქვით, ძალზე ეზარებოდა მეურნეობის მოვლა, ერთი დღილია და ღემრის შესიხვია – რათა ამქვეყნიდან ორივე რაც შეიძლება მალე წაეყვანა, რათა მასაც დაესვენა და იმთავით.

#### ალი ხოჯა და ხოჯა ალი

ასპინძის საშუალო სკოლაში გასული საუკუნის 70-იან წლებში დაწყებით კლასებში, ფიზიკა-მათემატიკას ასწავლიდა შესანიშნავი პედაგოგი შალვა სანდოძე. იმ პერიოდში ხშირი იყო განათლების სამინისტროდან სკოლების შემოწმება. ერთხელაც მის გაკვეთილს დაესწრო სამინისტროს წარმომადგენელი. იგი მოსწავლეებს უხსნის, რომ შესაკრებთა გადაადგილებით ჯამი არ იცვლება და შესხეთში გავრცელებული კუთხური გამონათქვამიც დააყოლო. – ალი ხოჯა და ხოჯა ალი ერთიან.

გაკვეთილის შედეგების გარჩევისას, სამინისტროს წარმომადგენელმა დადებითად შეაფასა პედაგოგის საქმიანობა, თუმცა ვერაფრით გაეგო რას ნიშნავდა მისთვის – ალი ხოჯა და ხოჯა ალი ერთიან.

ლიმიტრი მალრაძე

## საიდუმლო სიზმარი

გასული საუკუნის ოცდაათიან წლებში, როდესაც მთელ საბჭოთა კავშირში დიდი პოლიტიკური რეპრესიები მძინვარებდა, „შინსახკომის“ ერთმა ერთგულმა მუშაკმა, უცნაური სიზმარი ნახა: ვირზე შემჯდარ ლენინს ხელში მისი კუდი ეჭირა და ქუჩა-ქუჩა დადიოდა, უკან კი, სტეენითა და ხმაურით, უამრავი ხალხი მისდევდა.

შინით აკანკალუბულსა და აფორიაქებულს გამოედიოდა. ჭირის ოფლში ცურავდა, არ იცოდა, რა ექნა...

მთელი კვირა ისე დადიოდა, დანა პირს არ უხსნიდა. ვაი თუ მისი სიზმარი ვინმეს გაეგო, მერე რა უმჯობესობა, – ან გააკვირვებდნენ, ან – დახვრეტდნენ. ცოლმა შეამჩნია ყოველივე ეს და იმდენი

უკირკიტა, რომ, როგორც იქნა, „საიდუმლო სიზმარი“ უამბო და თან დააფიცა: „არავისთან სიტყვა არ წამოგცდეს, თუ არა – დავიღუპებითო!“

საიდუმლო მხოლოდ საიდუმლოდ მცირე ხნით დარჩა. სულ მალე იმ კაცის ცოლმა სიზმარის ამბავი თავის დაქალს უამბო, თან დააფიცა...

მალე დაქალმა „ავადსახსენებელი“ სიზმრის ამბავი ქმარს გაუზიხლა, ქმარმა – სამეგობროს... ცოტა ხანში „შინსახკომის“ ერთგული მუშაკის სიზმარზე მთელი უბანი ალაპარაკდა და, შოი უბედურებავ, შინსახკომის ყურამდეც მიადგინა...

რა მოხდა შემდეგ, დანარჩენი მკითხველისთვის მოგვინდა...

როპერტ პერიძე

## ნიგნის გახეშე ახა მომავალი

ნიგნის გარეშე არაა ცოდნა, ცოდნის გარეშე – კაცობრიობის მომავალი. დღეს, კოსმოსისა და კომპიუტერების ეპოქაში, განსაკუთრებული ყურადღება ექცევა განათლების სისტემის კიდევ უფრო სრულყოფისა და განვითარების საქმეს. მიუხედავად იმისა, რომ, დღესდღეობით, უაღრესად დაბალია ქვეყანაში (და, საერთოდ, მსოფლიოში), ნიგნისადმი ინტერესი, რომელიც, ნებ-სით თუ უნებლიედ, თითქმის კომპიუტერებმა ჩაანაცვლეს, მაინც ყველაფერი კეთდება იმისათვის, რომ ახალგაზრდობა ნიგნისაკენ შემოვაბრუნოთ. სწორედ ამ მიზანს ემსახურება ქვეყანაში უკვე ტრადიციად ქცეული „საბიბლიოთეკო კვირეულები“ ჩატარება. მსგავსი ღონისძიებები, ახლახან, – 28 აპრილიდან 5 მაისამდე, გაიმართა ასპინძის საბავშვო ბიბლიოთეკის ინიციატივით მუსიკალური სკოლის საკონცერტო დარბაზში. ლიტერატურულ-მუსიკალურმა კომპოზიციამ – „გზა პოეტისა“ – არჩილ სულაკაურის შემოქმედებას მიეძღვნა, რომლის წამყვანები იყვნენ საბავშვო ბიბლიოთეკის თანამშრომლები ნელი გავლავაძე და ლიანა დათაშვილი.

თითოეული ღონისძიება, ბუნებრივია, დიდ მხარდაჭერასა და ენერჯის მოითხოვს. შეუძლებელია დაკვირვებულ თვალს არ გამოეპაროს ოთარ ცინაძის მხარდაჭერაც, რომელიც ტექნიკურად აფორმებ-

და ამ ღონისძიებას. როგორც ყოველთვის, მეტად სასიამოვნო საღამო გვაჩუქეს დაბა ასპინძის საბავშვო ბიბლიოთეკის ბიბლიოთეკარებმა.

არ შემოიღია ყურადღება არ გაგამახვილო მუსიკალურ მხარეზე, რომელიც შესანიშნავად წარმართეს ცირა საქიძემ და ბექა ზედგინიძემ, რომლებმაც სხვა ემზი და სილამაზე შესძინეს ისედაც შე-

ობით, რომელიც მოამზადა დაბა ასპინძის თავისუფალი თეატრის რეჟისორის ასისტენტმა მარეხი დათაშვილმა.

ბევრი საინტერესო ღონისძიება ტარდება როგორც ცენტრალური რაიონული, ასევე საბავშვო ბიბლიოთეკების ინიციატივით და ამიტომაც, რომ ყოველთვის მათ მიერ ჩატარებულ თითოეულ ღონისძიებას არც დამსწრე საზოგადოება და არც ახალ-



სანიშნავ ღონისძიებას.

დიდი მონდომებითა და სამეშრულბლო აქტივობით გამოირჩეოდნენ ბიბლიოთეკის მუდმივი მკითხველები დალი ბაიბურთიანი, მანანა ზედგინიძე, ალექო და ნიკა დიაკონიძეები, ფიქრია და ლევან გიგაშვილები, მარი ბერიძე და მარი კაპანაძე.

განსაკუთრებით შთამბეჭდავი იყო პატარა შემსრულებლების მიერ წარმოდგენილი თეატრალიზებული წარმოდგენა – „სალამურას თავგადასავალი“ დალი ბაიბურთიანის, მარი მაგრაქვიანიძის მხარდაჭერაც, რომელიც ტექნიკურად აფორმებ-

გაზრდობა აკლია. ეს ღონისძიება კი განსაკუთრებული იყო იმითაც, რომ, როგორც იქნა, წარმოდგენილი იქნა ყველასათვის საყვარელი საბავშვო მწერლისა და პოეტის, რუსთაველის სახელმწიფო პრემიის ლაურეატის არჩილ სულაკაურის ცნობილი წარმოდგენები, რომელთა კიდევ ერთხელ მოსმენა, ისიც ნორჩი დეკლამატორების მიერ, სასიამოვნოდ მოსამსენი და შთამბეჭდავი იყო.

ნელი ბერიძე, ასპინძის სკოლამდელი აღზრდის დაწესებულებების მეთოდისტი

## ვეფერანი სპორტსმენის დაფასება

ამა წლის 15 მაისს უჩვეულო განწყობა იყო ასპინძის საფეხბურთო მოედანზე. შეხვედრის ორგანიზატორები და იქ შეკრებილი საზოგადოება დიდი ინტერესით ელოდა ვეფერანი ფეხბურთლის გივი ნემსაძის გამოჩენას, რომელსაც დაბადებიდან 80 წელი შეუსრულდა. ვიდრე იგი გამოჩნდებოდა, სტადიონზე, „ვარძიის“ ვეფერანი ფეხბურთელები – ტარიელ გელაშვილი, დავით კობერიძე, თემურ ბერიძე, როლანდი წარმონიძე, გიორგი ცინაძე შემოვიდნენ და ოვაციებით შემოუძღვნენ იუბილარ ფეხბურთელს, მერე პოზიციები შეიცვალეს და ბურთიც გაათამაშეს.

მიუხედავად წვიმიანი ამინდისა, სტადიონი ვერ იტევდა გულშემბატკიერებს, – როგორც ასაკიან ადამიანებს, ასევე ახალგაზრდებსაც.

ასპინძის საფეხბურთო გუნდის – „ვარძის“ ისტორია გასულ საუკუნეში, კერძოდ, 1959 წლიდან დაიწყო, რომელიც ჩამოყალიბდა სპორტის მხურვალე გულშემბატკიერის, სპორტსმენისა და დამსახურებული მასწავლებლის ამირან ლოლაძის ინიციატივით (იგი გუნდის პირველი მწვრთნელიც იყო) და, იმხანად, რაიონის თავკაცის, ლევან ისაკაძის დიდი მხარდაჭერით (სპორტკომიტეტის თავმჯდომარე არტაშ ნახაპეტიანი). გუნდის პირველ კაპიტანად დაინიშნა რაიონში საუკეთესო ფეხბურთელი ჯუმბერ ფოცხვერაშვილი. გუნდის შემადგენლობა ასე გამოიყურებოდა: მეკარე თამაზ ბერიძე, ფეხბურთელები – გაიოზ ბერიძე, გივი ნემსაძე, ნოდარ გიორგაძე, გურამ ბერძენიძე, სულიკო მელიქიძე, ოთარ არსენაშვილი, ლოვა ტონაკიანი, ვანია ლოგინოვი.

ძველი თაობის ადამიანებს კარგად ახსოვთ „ვარძის“ წარმატებული მატჩები რესპუბლიკურ ჩემპიონატებში, რომელიც ყოველთვის წარმატებულ გუნდად ითვლებოდა და გათამაშების ცხრილში, ხშირად, პირველ სამეულში შედიოდა, ერთხელ კი საქართველოს ჩემპიონებიც გახდნენ და, რა თქმა უნდა, ამაში დიდი წვლილი ბატონ გივისაც მიუძღვოდა, რადგან ვეფერანმა ფეხბურთელებმა ძლიერი ფუნდამენტი ჩაუყარეს რეგიონის ერთ-ერთი წარმატებული ფეხბურთელთა გუნდის ჩამოყალიბებას და ახალი თაობების აღზრდას. ამიტომაც იყო, რომ ჩემპიონატები, რომელიც ხშირად იმართებოდა ასპინძის სტადიონზე, გულშემბატკიერებით იყო გადაჭედილი, სპორტის ეს სახეობა კი –

განსაკუთრებით ნახალისებული. გივი ნემსაძე მთელი თავისი სპორტული კარიერის მანძილზე ყოველთვის აქტიური, საიმედო ფეხბურთელი და, რაც მთავარია, გუნდური მოთამაშე იყო, რაც ამ გუნდის წარმატებებზეც აისახებოდა.

წლების მანძილზე ახალ-ახალი ფეხბურთელებით ივსებოდა „ვარძი“. დღეს-დღეობით ამ „პირველი მერცხლებიდან“, სამწუხაროდ, მხოლოდ სამი წარმომადგენელი ცოცხალი და სწორედ ამიტომ იყო ამ ყველაფრის გახსენება მეტად შთამბეჭდავი.

ურიოდ წელში ასპინძის საფეხბურთო გუნდ „ვარძის“ საიუბილეო – 60 წელი უს-



რულდება და, იმედს ვიტოვებთ, რომ მუნიციპალიტეტის გამგეობა სათანადოდ აღნიშნავს ამ თარიღს.

ახლა კი, კიდევ ერთხელ, სულითა და გულით გვინდა მივულოცოთ ბატონ გივი ნემსაძეს ღირსეული – 80 წლის საიუბილეო თარიღი და ვუსურვოთ დღევანდელია, ჯანმრთელობა და მშვიდი სიბერე.

სპორტკომიტეტის სახელით, გიორგი ცინაძე

რედკოლეგია